

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-371/12
Sarajevo, 2.4.2012. godine

Z A P I S N I K

10. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 29. marta i 2. aprila 2012. godine

Sjednica je počela u 10.45.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, potpredsjednika Federacije BiH Svetozara Pudarića, ministre u Vladi Federacije BiH, predstavnike sindikata, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdala je Edina Papo.

Na osnovu evidencije Stručne službe, predsjedavajuća je konstatovala da sjednici prisustvuju 52 delegata, što čini većinu, te Dom naroda može raditi i punovažno odlučivati.

Nakon toga predsjedavajuća je dala na glasanje zapisnike 8. i 9. sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi, usvojio:

- Zapisnik 8. sjednice Doma naroda Parlamenta Federacije BiH, održane 16. i 23.2.2012. godine (33 glasa za, tri uzdržana i dva glasa protiv),
- Zapisnik 9. sjednice Doma naroda Parlamenta Federacije BiH, održane 23.2. i 7.3.2012. godine (36 glasova za, šest uzdržanih i dva glasa protiv).

Predsjedavajuća je podsjetila delegate da se na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Radoje Vidović je izrazio djelimično nezadovoljstvo odgovorom koji je dobio od Federalnog ministarstva poljoprivrede, vodoprivrede i šumarstva a koje se odnosilo na podatke o korisnicima podsticaja u Srednjobosanskom kantonu u 2011. godini, te zatražio da mu se dostave imena preduzeća iz Srednjobosanskog kantona koja su dobila sredstva za podsticaje u 2011. godini.

Vesna Saradžić je izrazila nezadovoljstvo odgovorom koje je dala Federalna uprava za geodetske i imovinsko-pravne poslove u vezi sa izradom karata na kojima nema označenih važnijih geografskih obilježja u Bosni Hercegovini i postavila dva delegatska pitanja.

Prvo pitanje je postavljeno Federalnom ministarstvu kulture i sporta koje se odnosi na podršku Belmi Munikozi koja je postala prvakinja Balkana u karateu.

Drugo pitanje je postavila Federalnom ministarstvu rada i socijalne politike koje se odnosi na ravnopravnu zastupljenost predstavnika invalidnih osoba u Upravnom odboru Fonda za profesionalnu rehabilitaciju i zapošljavanje osoba sa invaliditetom. Izjavila je da osobe sa oštećenim sluhom trenutno nemaju svoje predstavnike u ovom fondu i zatražila da se u Upravnom odboru ovog fonda imenuju i predstavnici osoba sa oštećenim sluhom.

Mira Jurić je izrazila nezadovoljstvo jer nije dobila odgovor na pitanje koje se odnosi na smještaj ministarstava u zgradu Geodetskog zavoda.

Zahid Bašić je izrazio nezadovoljstvo odgovorom koji je dobio od Agencije za slivno područje rijeke Save i zatražio da mu se dostavi Prijedlog finasijskog plana Agencije za slivno područje rijeke Save za 2012. godinu. Zatražio je i zvanično tumačenje Federalnog ministarstva pravde u vezi sa imenovanjem i kompetencijom vještaka.

Zoran Jovanović je pokrenuo inicijativu kojom se traži od Vlade Federacije i Federalnog ministarstva poljoprivrede, vodoprivrede i šumarstva da osiguraju sredstva za podsticaje poljoprivrednim proizvođačima.

Predrag Kojović je postavio pitanje Federalnom ministarstvu finansija od koga i za koji iznos novca na godišnjem nivou Vlada Federacije iznajmljuje prostorije za svoj rad. Također je upitao da li je bolje izgraditi zgrade za rad institucija nego trošiti sredstva za iznajmljivanje prostorija.

Josip Perić je zahvalio federalnom ministru zdravstva na dobijenom odgovoru, a izrazio nezadovoljstvo nedobijanjem odgovora od Zukana Heleza, federalnog ministra za pitanja boraca i invalida odbrambeno-oslobodilačkog rata, te je zatražio odgovore na sva postavljena pitanja.

Postavio je tri pitanja.

Prvo pitanje se odnosi na to koja udruženja pripadnika HVO ostvaruju materijalnu podršku Federalnog ministarstva za pitanja boraca i invalida odbrambeno-oslobodilačkog rata.

Drugo pitanje je postavio Vladi Federacije u vezi sa dodijeljenim stanovima od konstituisanja Federacije. Upitao je kome su dodijeljeni ti stanovi, prema kojem kriteriju i kolika je tržišna vrijednost ovih stanova. Zatražio je da mu se dostave podaci i o dodijeljenim vojnim stanovima i njihovoj tržišnoj vrijednosti.

Treće pitanje se odnosi na saniranje štete klijentima Hercegovačke banke, te je upitao ko je odgovoran za nastalu štetu i kako će se pomoći ljudima da povrate sredstva koja su deponovali u ovoj banci.

Elvira Abdić – Jelenović je postavila dva pitanja.

Prvo pitanje je postavila Federalnom ministarstvu energije, rudarstva i industrije, Federalnom ministarstvu finansija, Finasijskoj policiji i Poreznoj upravi Federacije u vezi sa otvaranjem namjenskih računa za obavljanje platnih

transakcija za preduzeća "Agrokomerc" i "Krivaja". Upitala je da li su ovi računi otvoreni i u kojoj banci, prema kojem zakonu i koliko je sredstava uplaćeno na ove račune. Također je upitala da li namjenski račun za obavljanje platnih transakcija mogu otvoriti i nelikvidna privatna preduzeća.

Drugo pitanje je postavila Federalnom ministarstvu energije, rudarstva i industrije, Federalnom ministarstvu finansija i Vladi Federacije u vezi sa privrednim društvom "Krivaja" d.d. Zavidovići. Upitala je koja je imovina ovog društva i pod kojim uvjetima je prodana u maloj privatizaciji, kada je i na koji način prestalo postojati privredno društvo "Krivaja" d.d. i kako je ono postalo društvo sa ograničenom odgovornosti. Upitala je kolika je bila vrijednost kapitala "Krivaje" d.d. u trenutku preregistracije u "Krivaju" d.o.o. Također je upitala pod kojim brojem i sa kojim datumom je u Federalnom ministarstvu finansija registrirana konsultantska kuća "Deloitte Tuš" Sarajevo.

Ivo Divković je postavio pitanje Vladi Federacije i nadležnom ministarstvu kada će se zemljišno-knjižna dokumentacija uskladiti sa stvarnim stanjem na terenu.

Mustafa Kurtović je pokrenuo dvije inicijative.

Ispred Odbora za poljoprivredu, vodoprivredu i šumarstvo je pokrenuo inicijativu da se ispoštuje Zaključak Doma naroda kojim su Slaviša Šućur i Enver Mujala, zastupnici u Predstavničkom domu, kao predlagači Nacrta Zakona o šumarstvu bili obavezni da u roku od 15 dana pribave mišljenja od nadležnih kantonalnih organa u vezi sa Nacrtom Zakona.

Ispred zastupnika u Skupštini Bosansko-podrinjskog kantona Goražde, zajedno sa Vesnom Nemeć-Klisura i Daliborkom Milović, pokrenuo je inicijativu kojom se od Vijeća ministara Bosne i Hercegovine i Parlamentarne skupštine Bosne i Hercegovine traži da se pristupi izmjenama i dopunama Zakona o osnovama sigurnosti saobraćaja na putevima u Bosni i Hercegovini koje bi se odnosile na ukidanje obaveze korištenja svjetla tokom dnevne vožnje.

Tomislav Mandić je od Federalnog ministarstva poljoprivrede, vodoprivrede i šumarstva zatražio spisak fizičkih i pravnih lica iz Hercegovačko-neretvanskog kantona i Zapadnohercegovačkog kantona koji su dobili sredstva za podsticaje u poljoprivredi u 2011. godini i do danas, te na osnovu čega su ostvarili pravo na ove podsticaje.

Vesna Nemeć-Klisura je pokrenula inicijativu da Vlada Federacije pristupi izmjenama i dopunama Nacrta Zakona o izmjenama i dopunama Zakona o osnivanju instituta za medicinsko vještačenje zdravstvenog stanja kojima bi se odjeljenja za prvostepeni postupak osnovala u sjedištima kantona, a naročito u Bosansko-podrinjskom kantonu Goražde i Posavskom kantonu.

Aner Žuljević je postavio pitanje Federalnom ministarstvu kulture i sporta zašto je ovo ministarstvo dalo pozitivno mišljenje za nastavak rada objekta stanice za tehnički pregled u zoni zaštićenog nacionalnog spomenika nekropole stećaka Radimlja kada je to protivno Odluci Komisije za očuvanje nacionalnih spomenika Bosne i Hercegovine, Zaključku Vlade Federacije i Ustavu Bosne i Hercegovine.

Zijat Mušić je postavio pitanje kada će se održati tematska sjednica u vezi sa autocestom na Koridoru Vc.

Drago Puzigaća je postavio pitanje Federalnom ministarstvu poljoprivrede, vodoprivrede i šumarstva i direktoru Javnog preduzeća "Hercegbosanske šume" šta će učiniti po pitanju zapošljavanja povratnika u ovom preduzeću, te zatražio pisani odgovor na ovo pitanje.

Adnan Jupić je postavio dva delegatska pitanja.

Postavio je pitanje zašto se Dom naroda nije izjasnio o amandmanu na Prijedlog Zakona o izmjeni Zakona o novčanim podrškama u poljoprivredi i ruralnom razvoju koji je izglasao Predstavnički dom.

Drugo pitanje je postavio Vladi Federacije o rezultatima razgovora premijera i članova Vlade Federacije BiH sa zaposlenicima "Krivaje" koji su nezakonito dobili otkaz.

Predsjedavajuća Doma naroda je izjavila da je Dom naroda raspravljao o Prijedlogu Zakona o izmjeni Zakona o novčanim podrškama u poljoprivredi i ruralnom razvoju i zaključio raspravu. U međuvremenu, Predstavnički dom je usvojio Prijedlog Zakona o izmjeni Zakona o novčanim podrškama u poljoprivredi i ruralnom razvoju i izglasao Amandman na Prijedlog Zakona. Budući da Domu naroda nije zvanično dostavljen dopis Predstavničkog doma o usvajanju ovog prijedloga Zakona sa izglasanim Amandmanom, Dom naroda nije stavio u dnevni red izjašnjavanje o ovom amandmanu. Izjavila je da će se dopis Predstavničkog doma u vezi sa Prijedlogom Zakona, koji je Domu naroda dostavljen dan prije današnje sjednice, uputiti Zakonodavno-pravnoj komisiji da zauzme stav u vezi sa daljnjom procedurom u vezi sa ovim prijedlogom Zakona.

Dževad Rađo je zatražio da se izvrši koordinacija prilikom zakazivanja sjednica Doma naroda, radnih tijela i klubova naroda u Domu naroda kako bi se spriječilo preklapanje sa sjednicama kantonalnih skupština i da se spriječi preklapanje termina predviđenih za održavanje sjednica radnih tijela i klubova naroda u Domu naroda kako bi delegati mogli učestvovati u radu ovih tijela.

Predsjedavajuća Doma naroda je izjavila da su kantonalne skupštine upoznate da Dom naroda, po pravilu, održava sjednice četvrtkom i istakla da se sjednice radnih tijela Doma naroda ne moraju uvijek održavati dan prije sjednice Doma naroda ili na sam dan sjednice Doma naroda, već se sjednica radnog tijela može održati i nekoliko dana prije održavanja sjednice Doma naroda.

Esed Radeljaš je predložio, ako je moguće, da Dom naroda izdvoji određena novčana sredstva kojim bi se osigurale osnovne životne namirnice demobiliziranim borcima koji protestuju ispred zgrade Parlamentarne skupštine Bosne i Hercegovine.

Daliborka Milović je od Federalnog ministarstva poljoprivrede, vodoprivrede i šumarstva zatražila spisak fizičkih i pravnih lica iz Bosansko-podrinjskog kantona Goražde koji su dobili sredstva za podsticaje u poljoprivredi u 2011. godini i do danas, te na osnovu čega su ostvarili pravo na ove podsticaje.

Stipo Pelivan je upitao Federalno ministarstvo poljoprivrede, vodoprivrede i šumarstva koliki je iznos sredstava isplaćen za podsticaje u poljoprivredi u Kantonu 10 u 2011. godini, te na osnovu čega je ostvareno pravo na ove podsticaje. Upitao je koja su poljoprivredna preduzeća koja su ostvarila ovo pravo i u kojem iznosu.

Mijo Matanović je postavio dva pitanja.

Prvo pitanje se odnosi na programe i javni poziv na osnovu kojeg su dodijeljena sredstva iz budžeta Federacije BiH za 2011. godinu sa stavke – Transferi pojedincima – Podrška povratka izbjeglica i prognanih osoba sa područja Posavine koja pripada Republici Srpskoj.

Zatražio je od Federalnog ministarstva poljoprivrede, vodoprivrede i šumarstva spisak fizičkih i pravnih lica iz Posavskog kantona koji su dobili sredstva za podsticaje u poljoprivredi u 2011. godini i do danas, te na osnovu čega su ostvarili pravo na ove podsticaje.

Nakon delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama i dopunama Zakona o penzijskom i invalidskom osiguranju sa prijedlogom da se razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz pet uzdržanih glasova i uz četiri glasa protiv, prihvatio da se Prijedlog Zakona o izmjenama i dopunama Zakona o penzijskom i invalidskom osiguranju razmatra po hitnom postupku.

Predsjedavajuća je obavijestila delegate da je Vlada Federacije dostavila dopis kojim je iz parlamentarne procedure povukla 9. i 14. tačku - Nacrt Zakona o turističkim zajednicama i promoviranju turizma u Federaciji BiH i Prijedlog Strategije „Ekonomskog razvoja Federacije BiH“, Projekt „Razvoj turizma u Federaciji BiH“.

Kolegij Doma naroda je predložio da se iz predloženog dnevnog reda skine 3. tačka - Izjašnjenje o Prijedlogu Zakona o izmjeni Zakona o izvršnom postupku - koji je predložio Klub delegata bošnjačkog naroda u Domu naroda Parlamenta Federacije BiH, a da se u dnevni red današnje sjednice kao 3. tačka uvrsti Prijedlog Zakona o izmjeni Zakona o izvršnom postupku koji je predložila Vlada Federacije sa prijedlogom da se razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, uz tri uzdržana glasa i uz 11 glasova protiv, prihvatio da se Prijedlog Zakona o izmjeni Zakona o izvršnom postupku, koji je predložila Vlada Federacije, uvrsti u dnevni red ove sjednice i da se izjašnjenje o Prijedlogu Zakona o izmjeni Zakona o izvršnom postupku koji je predložio Klub delegata bošnjačkog naroda u Domu naroda Parlamenta Federacije BiH skine sa dnevnog reda ove sjednice.

Budući da je Klub delegata bošnjačkog naroda predložio da se Prijedlog Zakona o izmjeni Zakona o izvršnom postupku, koji je predložila Vlada Federacije, razmatra po hitnom postupku - predsjedavajuća ga je stavila na glasanje i konstatovala da je Dom naroda Parlamenta Federacije, sa 32 glasa za, uz osam uzdržanih glasova i uz devet glasova protiv, prihvatio ovaj prijedlog.

Adnan Jupić je predložio da se 5. i 6. tačka - Prijedlog Zakona o privatnim detektivima u Federaciji BiH i Prijedlog Zakona o reviziji privatizacije državnog kapitala u privrednim društvima i bankama - skinu sa dnevnog reda ove sjednice, budući da su ova dva zakona usvojena u Predstavničkom domu prije više od

dvije godine u mandatnom periodu 2006. - 2010. Upitao je da li postoji vremenski rok u kojem se zakoni moraju razmatrati u oba doma Parlamenta Federacije BiH.

Mijo Matanović je, ispred Komisije za jednakopravnost spolova, predložio da se Prijedlog Zakona o privatnim detektivima u Federaciji BiH razmatra u formi nacrtu Zakona jer se u dvije godine koliko se nalazi u proceduri u Domu naroda nije razmatran u formi nacrtu i jer je u međuvremenu došlo do izmjene zakona koji bi trebali biti sadržani u ovom zakonu. Izjavio je da Prijedlog Zakona nije usklađen sa Zakonom o visokom obrazovanju, te da nije pisan rodno osjetljivim jezikom.

Predsjedavajuća je obavijestila delegate da Kolegij Doma naroda predlaže da se iz dnevnog reda skine 2. tačka - Prijedlog Amandmana CX. na Ustav Federacije BiH, koji je predložila Ustavna komisija Predstavničkog doma Parlamenta Federacije BiH, jer je Amandman predložio neustavni predlagač i da se Komisija za ustavna pitanja Doma naroda izjasni o ovom pitanju. Izjavila je da je potpredsjednik Federacije BiH Svetozar Pudarić dostavio mišljenje kojim smatra da je Amandman predložio neustavni predlagač.

Ivo Divković je predložio da se Vlada Federacije izjasni o podnesenim prijedlozima za izmjenu dnevnog reda.

Desnica Radivojević, zamjenik premijera Federacije, je izjavio da Vlada Federacije predlaže da se 2. tačka - Prijedlog Amandmana CX. na Ustav Federacije BiH, koji je predložila Ustavna komisija Predstavničkog doma Parlamenta Federacije BiH skine sa dnevnog reda jer je Amandman predložio neustavni predlagač. Izjavio je da Vlada Federacije povlači 5. tačku - Prijedlog Zakona o privatnim detektivima u Federaciji BiH za narednu sjednicu kako bi se izjasnila o podnesenim amandmanima i izvršila određene popravke. Izjavio je da Vlada Federacije predlaže da Prijedlog Zakona o reviziji privatizacije državnog kapitala u privrednim društvima i bankama ostane u dnevnom redu ove sjednice.

Nakon toga, predsjedavajuća je stavila na glasanje prijedlog Adnana Jupića da se Prijedlog Zakona o reviziji privatizacije državnog kapitala u privrednim društvima i bankama skine sa dnevnog reda ove sjednice i konstatovala da prijedlog nije dobio potrebnu većinu glasova, jer je za glasalo 23 delegata, pet delegata je bilo uzdržano, a 19 delegata je bilo protiv.

Nakon toga se glasalo o dnevnom redu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 39 glasova za, uz sedam uzdržanih glasova i uz pet glasova protiv, usvojio sljedeći:

D N E V N I R E D

1. Verifikovanje mandata delegatu u Domu naroda Parlamenta Federacije BiH,
2. Prijedlog Zakona o izmjeni Zakona o izvršnom postupku – hitni postupak,
3. Prijedlog Zakona o izmjenama i dopunama Zakona o penzijskom i invalidskom osiguranju - hitni postupak,
4. Prijedlog Zakona o reviziji privatizacije državnog kapitala u privrednim društvima i bankama,

5. Nacrt Zakona o izmjenama i dopunama Zakona o namještenicima u organima državne službe u Federaciji BiH,
6. Nacrt Zakona o volontiranju (predlagač: Komisija za pitanja mladih Predstavničkog doma Parlamenta Federacije BiH),
7. Nacrt Zakona o izmjenama i dopunama Zakona o osnivanju Instituta za medicinsko vještačenje zdravstvenog stanja,
8. Nacrt Zakona o zaštiti prirode,
9. Prijedlog Odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić,
 - Sporazum o kreditu između Bosne i Hercegovine koju zastupa Ministarstvo finansija i trezora i Unicredit Bank Austria AG,
 - Informacija o robnom kreditu Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić,
10. Prijedlog Finansijskog plana – Budžet FERK-a za 2012. godinu,
11. Prijedlog Strategije za prevenciju, tretman i kontrolu malignih neoplazmi u Federaciji BiH 2012.-2020.,
12. Prijedlog Strategije razvoja namjenske industrije Federacije BiH za period 2012.-2022. godina,
13. Program rada Vlade Federacije BiH u mandatnom periodu 2011. - 2014. godina,
14. Operativni Program rada Vlade Federacije BiH za 2012. godinu,
15. Izbor i imenovanja.

1. Verifikovanje mandata delegatu u Domu naroda Parlamenta Federacije BiH

Centralna izborna komisija Bosne i Hercegovine je obavijestila Dom naroda Parlamenta Federacije BiH da je prestao mandat Vlatku Zriliću zbog podnesene ostavke i da je dodijelila mandat sljedećem kvalifikovanom kandidatu iz reda srpskog naroda - Darku Horvatu.

Mandatno-imunitetska komisija je razmatrala ovaj prijedlog i sačinila izvještaj.

Đuro Prkačin je obrazložio izvještaj Mandatno-imunitetske komisije, koja je predložila da se Darku Horvatu verifikuje mandat delegata u Domu naroda. Izjavio je da je Darko Horvat uputio pismo u kojem je naveo da zbog zdravstvenih razloga nije u mogućnosti prisustvovati sjednici Doma naroda i zamolio da ga obavijeste o narednoj sjednici kojoj bi mogao prisustvovati. Đuro Prkačin je izjavio je da je stav Mandatno-imunitetske komisije da se Darku Horvatu verifikuje mandat, a da svečanu izjavu da na sljedećoj sjednici Doma naroda.

Sekretar Doma naroda Izmir Hadžić je izjavio da se nikada nije vršila verifikacija mandata delegatima koji nisu prisutni i predložio da se verifikacija mandata odgodi za sjednicu kojoj će prisustvovati Darko Horvat. Izjavio je da je Darko Horvat ministar u Vladi Kantona 10 i da je s ciljem otklanjanja određenih

dilema u vezi sa istovremenim obavljanjem izvršne funkcije i funkcije u zakonodavnim organima zatražio izjašnjenje Centralne izborne komisije u vezi sa ovom dilemom.

Mira Ljubijankić je predložila da se verifikacija mandata odgodi za sjednicu na kojoj bude prisutan Darko Horvat.

Ivan Brigić je predložio da se Darku Horvatu verifikuje mandat na ovoj sjednici, a da svečanu izjavu da na sjednici kada bude prisutan.

Predsjedavajuća je zaključila raspravu i izjavila da će se o svim tačkama dnevnog reda obaviti izjašnjavanje na kraju sjednice.

2. Prijedlog Zakona o izmjeni Zakona o izvršnom postupku

Prijedlog Zakona utvrdila je Vlada Federacije.

Prijedlog Zakona obrazložio je Zoran Mikulić, federalni ministar pravde.

U raspravi su učestvovali: Adnan Jupić, Amir Zukić, predsjednik Kluba delegata bošnjačkog naroda, Zoran Jovanović i Josip Perić.

3. Prijedlog Zakona o izmjenama i dopunama Zakona o penzijskom i invalidskom osiguranju

Prijedlog Zakona utvrdila je Vlada Federacije.

Predstavnički dom je na 12. sjednici od 28.2.2012. godine usvojio Prijedlog Zakona sa dva amandmana koje je Vlada Federacije prihvatila na sjednici Predstavničkog Doma pa su postali sastavni dio Prijedloga Zakona.

Amandman I. se odnosi na član 6. a Amandman II. na član 141.a Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Na Prijedlog Zakona dva amandmana je podnio Klub delegata bošnjačkog naroda u Domu naroda. Amandmani se odnose na član 141.a stav 3. i dodavanje stava 4. u članu 141.a Prijedloga Zakona.

Prijedlog Zakona obrazložio je Vjekoslav Čamber, federalni ministar rada i socijalne politike, koji je izjavio da Vlada Federacije nakon konsultacija sa Federalnim zavodom za penzijsko i invalidsko osiguranje odustaje od Amandmana II. koji je prihvatila na sjednici Predstavničkog doma i da ostaje kod teksta koji je prvobitno predložen.

Ivo Tadić je obrazložio izvještaj Odbora za boračka i invalidska pitanja, rad, zdravstvenu i socijalnu zaštitu.

U raspravi su učestvovali: Sretko Radišić, Zijat Mušić, koji je obrazložio stav Kluba delegata bošnjačkog naroda, Jasenko Tufekčić, Zoran Jovanović, Ivo Tadić, Karolina Pavlović i federalni ministar rada i socijalne politike Vjekoslav Čamber, koji je izjavio da Amandman II. Kluba delegata bošnjačkog naroda nije prihvatljiv.

4. Prijedlog Zakona o reviziji privatizacije državnog kapitala u privrednim društvima i bankama

Prijedlog Zakona utvrdila je Vlada Federacije u prošlom mandatnom periodu. Aktuelna Vlada Federacije dostavila je izjašnjenje kojim ostaje kod teksta Prijedloga Zakona.

Predstavnički dom je na nastavku 32. sjednice od 28.7.2010. godine usvojio Prijedlog Zakona sa četiri amandmana koji se odnose na čl. 3., 5., 7. i 14. koje je Vlada Federacije prihvatila, pa su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložila je Jasmina Pašić, pomoćnica federalnog ministra energije, rudarstva i industrije.

Drago Puzigaća je, ispred Odbora za denacionalizaciju i privatizaciju, iznio stav kojim predlažu Domu naroda da ne usvoji ovaj prijedlog Zakona onako kako ga je predložio ovlašteni predlagač.

Salko Selman je obrazložio izvještaj Odbora za ekonomsku i razvojnu politiku, finansije i budžet.

Hajrudin Bećirović je obrazložio izvještaj Odbora za privredu.

U raspravi su učestvovali: Amel Hadžiabdić, Drago Puzigaća, Zahid Bašić, Aner Žuljević, Josip Perić, Ekrem Prošić, Adnan Jupić, Dževad Rađo, Sretko Radišić, Ismet Bajramović, predsjednik Saveza samostalnih sindikata Bosne i Hercegovine i Mira Ljubijankić, koja je podnijela amandman koji glasi: "U članu 5. iza stava 1. dodaje se stav 2. koji glasi: „Revizija pretvorbe vlasništva provodit će se i u privrednim društvima gdje je pretvorba izvršena prije donošenja Zakona o privatizaciji poduzeća.“"

Elvira Abdić-Jelenović je, također, učestvovala u raspravi i u skladu sa Poslovníkom o radu Doma naroda zatražila da se njeno mišljenje izdvoji u Zapisniku ove sjednice, a koje glasi:

„Ja sam protiv donošenja ovakvih zakonskih rješenja jer oni idu na štetu i onog javnog interesa na koji se pozivaju u članu 1. ovog zakona i na štetu Federacije BiH i na štetu radničke klase i svih onih čije su ove firme o kojima mi danas govorimo. Znači, tražim da se moje mišljenje u skraćenom zapisniku izdvoji, da se ogradim od toga jer me je stid što sjedim u Domu naroda koji ne radi, koji čak i radi, a da nema kvorum i odlučuje samo, treba mu odlučivanje, kvorum samo kad treba za to dignuti ruku. Zahvaljujem.“

5. Nacrt Zakona o izmjenama i dopunama Zakona o namještenicima u organima državne službe u Federaciji BiH

Nacrt Zakona utvrdila je Vlada Federacije.

Predstavnički dom je na 12. sjednici od 28.2.2012. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Zoran Mikulić, federalni ministar pravde.

Mijo Matanović je obrazložio Izvještaj Komisije za jednakopravnost spolova u Domu naroda.

U raspravi nije niko učestvovao.

6. Nacrt Zakona o volontiranju (predlagač: Komisija za pitanja mladih Predstavničkog doma Parlamenta Federacije BiH)

Predstavnički dom je na 12. sjednici od 20.3.2012. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Mirza Ustamujić, predsjednik Komisije za pitanja mladih Predstavničkog doma Parlamenta Federacije BiH.

U raspravi su učestvovali: Elvira Abdić-Jelenović, Branislav Crnogorac, Adnan Jupić i Mirza Ustamujić.

7. Nacrt Zakona o izmjenama i dopunama Zakona o osnivanju Instituta za medicinsko vještačenje zdravstvenog stanja

Nacrt Zakona utvrdila je Vlada Federacije.

Predstavnički dom je na 12. sjednici od 28.2.2012. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Vjekoslav Čamber, federalni ministar rada i socijalne politike.

Vesna Nemeć-Klisura je obrazložila Izvještaj Odbora za boračka i invalidska pitanja, rad, zdravstvenu i socijalnu zaštitu.

U raspravi su učestvovali Vesna Nemeć-Klisura i Vjekoslav Čamber, federalni ministar rada i socijalne politike.

8. Nacrt Zakona o zaštiti prirode

Nacrt Zakona utvrdila je Vlada Federacije.

Predstavnički dom je na 12. sjednici od 28.2.2012. godine razmatrao Nacrt Zakona i Zaključkom ga prihvatio. Tom prilikom Zakon je stavljen na javnu raspravu.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložila je Branka Đurić, federalna ministrica okoliša i turizma.

Elvira Abdić-Jelenović je obrazložila Izvještaj Odbora za prostorno uređenje, ekologiju i stambeno komunalne poslove.

U raspravi je učestvovao Sretko Radišić.

- 9. Prijedlog Odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić**
- **Sporazum o kreditu između Bosne i Hercegovine koju zastupa Ministarstvo finansija i trezora i Unicredit Bank Austria AG**
 - **Informacija o robnom kreditu Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić**

Ovu odluku utvrdila je Vlada Federacije.

Predstavnički dom je na nastavku 12. sjednici od 20.3.2012. godine donio Odluku o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić.

Odluku su razmatrala nadležna radna tijela i dostavila izvještaje.

Odluku je obrazložio Ante Krajina, federalni ministar finansija.

U raspravi je učestvovao Mustafa Kurtović.

10. Prijedlog Finansijskog plana – Budžet FERK-a za 2012. godinu

Regulatorna komisija za električnu energiju Federacije BiH utvrdila je ovaj plan i dostavila Domu naroda radi usvajanja.

Predstavnički dom je na nastavku 12. sjednice od 20.3.2012. godine usvojio Prijedlog Finansijskog plana – Budžet FERK-a za 2012. godinu.

Ovaj materijal razmatrala su nadležna radna tijela i dostavila izvještaje.

Hajrudin Bećirović je obrazložio izvještaj Odbora za privredu koji je razmatrao Prijedlog Finansijskog plana – Budžet FERK-a za 2012.godinu.

U raspravi nije nitko učestvovao.

11. Prijedlog Strategije za prevenciju, tretman i kontrolu malignih neoplazmi u Federaciji BiH 2012. – 2020.

Prijedlog Strategije utvrdila je Vlada Federacije.

Predstavnički dom je na nastavku 12. sjednici od 20.3.2012. godine usvojio Prijedlog Strategije za prevenciju, tretman i kontrolu malignih neoplazmi u Federaciji BiH 2012.-2020.

Prijedlog Strategije razmatrala su nadležna radna tijela i dostavila izvještaje.

Ovu strategiju obrazložila je Aida Pilav, pomoćnica federalnog ministra zdravstva.

U raspravi su učestvovali Vesna Nemeć-Klisura i Aida Pilav, pomoćnica federalnog ministra zdravstva.

Sjednica je prekinuta u 16 sati i 52 minute.

NASTAVAK SJEDNICE DOMA NARODA, održane 2. aprila 2012. godine

Sjednica je počela u 12.48.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, potpredsjednika Federacije Svetozara Pudarića, zamjenika premijera Desnicu Radivojevića, ministre u Vladi Federacije BiH, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Drago Puzigaća, Zahid Bašić, Slaviša Mihajlović i Daliborka Milović.

Na osnovu evidencije Stručne službe, predsjedavajuća je konstatovala da sjednici prisustvuje 40 delegata, što čini većinu, te Dom naroda može raditi i punovažno odlučivati.

Predsjedavajuća je podsjetila delegate da su za nastavak sjednice preostale sljedeće tačke dnevnog reda:

12. Prijedlog Strategije razvoja namjenske industrije Federacije BiH za period 2012.-2022. godina,
13. Program rada Vlade Federacije BiH u mandatnom periodu 2011. - 2014. godina,
14. Operativni Program rada Vlade Federacije BiH za 2012. godinu,
15. Izbor i imenovanja.

Predsjedavajuća je podsjetila da je kao 1. tačka dnevnog reda 10. sjednice bilo predviđeno verifikovanje mandata delegatu u Domu naroda Parlamenta Federacije BiH Darku Horvatu, koji nije prisustvovao sjednici pa mu zato mandat nije verifikovan. Budući da Darko Horvat prisustvuje nastavku 10. sjednice predsjedavajuća je predložila delegatima Doma naroda da mu verifikuju mandat.

Mandatno-imunitetska komisija je u svom izvještaju konstatovala da je Vlatko Zrilić, delegat u Domu naroda, 22.11.2011. godine podnio ostavku na mandat delegata, budući da je prihvatio drugu funkciju koja je nespojiva sa funkcijom delegata.

Centralna izborna komisija Bosne i Hercegovine donijela je odluku o prestanku mandata delegatu Doma naroda Parlamenta Federacije BiH Vlatku Zriliću danom podnošenja ostavke i odlučila da mandat dodijeli slijedećem kvalifikovanom kandidatu. Centralna izborna komisija je mandat dodijelila Darku Horvatu iz reda srpskog naroda iz Skupštine Kantona 10.

Mandatno-imunitetska komisija je predložila Domu naroda da verifikuje mandat delegatu Darku Horvatu.

Predsjedavajuća je predložila delegatima Doma naroda da usvoje Izvještaj Mandatno-imunitetske komisije.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno (37 glasova) usvojio Izvještaj

Mandatno-imunitetske komisije i time verificovao mandat delegatu u Domu naroda Parlamenta Federacije BiH **Darku Horvatu** iz reda srpskog naroda. Nakon toga, delegat Darko Horvat je dao svečanu zakletvu.

12. Prijedlog Strategije razvoja namjenske industrije Federacije BiH za period 2012.-2022. godina

Prijedlog Strategije utvrdila je Vlada Federacije i dostavila Parlamentu radi razmatranja i usvajanja.

Predstavnički dom je na nastavku 12. sjednice, odžane 20.3.2012. godine, usvojio Prijedlog Strategije razvoja namjenske industrije Federacije BiH za period 2012.-2022. godina.

Prijedlog Strategije razmatrala su nadležna radna tijela i dostavila izvještaje.

Prijedlog Strategije obrazložio je Fahrudin Smailagić, direktor Federalne direkcije za namjensku industriju.

Ispred Odbora za privredu Izvještaj je obrazložio Hajrudin Bećirović, predsjednik Odbora, koji je rekao da Odbor za privredu na svojoj sjednici nije razmatrao Prijedlog Strategije razvoja namjenske industrije Federacije BiH za period 2012.-2022. godina zbog neprisustva predstavnika predlagača i predložio delegatima Doma naroda da usvoje sljedeći:

Z A K L J U Č A K

Dom naroda Parlamenta Federacije BiH neće uvrstiti u dnevni red sjednice Doma naroda one tačke dnevnog reda o kojima nadležno radno tijelo nije dalo svoje mišljenje zbog neprisustva predstavnika predlagača.

U raspravi su učestvovali: Hajrudin Bećirović, Mustafa Kurtović, Zoran Jovanović, Stipo Buljan, sekretar Federalnog ministarstva energije, rudarstva i industrije i Amir Zukić, predsjednik Kluba delegata bošnjačkog naroda.

Hajrudin Bećirović je, ispred Kluba delegata bošnjačkog naroda, predložio da Dom naroda usvoji sljedeće:

Z A K L J U Č K E

1. Zadužuje se Federalno ministarstvo energije, rudarstva i industrije da putem Direkcije za namjensku industriju u roku od 60 dana Vladi Federacije BiH dostavi prijedlog plana sanacije postojećeg stanja privrednih društava u namjenskoj industriji sa naglaskom na elemente finansijske konsolidacije i osiguranja tržišne opravdanosti i održivosti privrednih društava u namjenskoj industriji Federacije BiH sa precizno utvrđenim rokovima i nosiocima aktivnosti.
2. Zadužuje se Vlada Federacije BiH da prije donošenja akcionog plana razvoja namjenske industrije jasno definira opredjeljenje kakva će biti

struktura vlasništva u privrednim društvima namjenske industrije - ukupno i pojedinačno za svako privredno društvo.

3. Zadužuje se Vlada Federacije BiH da nakon usvajanja Strategije razvoja namjenske industrije Federacije BiH za period 2012.-2022. godina propisima bliže uredi sigurnosni aspekt proizvodnje, remonta, prometa, NVO-a u skladu sa Strategijom sigurnosti Bosne i Hercegovine.

13. Program rada Vlade Federacije BiH u mandatnom periodu 2011. - 2014. godina

Program rada Vlade Federacije utvrdila je Vlada Federacije i dostavila Parlamentu Federacije BiH radi razmatranja i usvajanja.

Predstavnički dom je na nastavku 12. sjednice, održane 20.3.2012. godine, razmatrao Program rada Vlade Federacije BiH u mandatnom periodu 2011. - 2014. godina i Zaključkom ga prihvatio.

Program rada Vlade Federacije BiH u mandatnom periodu 2011. - 2014. godina obrazložio je zamjenik premijera Desnica Radivojević.

Ispred Odbora poljoprivredu, vodoprivredu i šumarstvo Izvještaj je obrazložio Mustafa Kurtović, predsjednik Odbora.

U raspravi su učestvovali Sretko Radišić i Branislav Crnogorac.

14. Operativni Program rada Vlade Federacije BiH za 2012. godinu

Operativni Program rada Vlade Federacije BiH za 2012. godinu utvrdila je Vlada Federacije i dostavila Parlamentu radi razmatranja i usvajanja.

Predstavnički dom je na nastavku 12. sjednice, održane 20.3.2012. godine, razmatrao Operativni Program rada Vlade Federacije BiH za 2012. godinu i Zaključkom ga prihvatio.

Operativni Program rada Vlade Federacije BiH za 2012. godinu obrazložio je zamjenik premijera Desnica Radivojević.

U raspravi nije niko učestvovao

15. Izbor i imenovanja

a) Prijedlog Odluke o obrazovanju zajedničke komisije za usaglašavanje različito usvojenih tekstova zakona u domovima Parlamenta Federacije BiH i Prijedlog Odluke o izboru članova u zajedničku komisiju za usaglašavanje različito usvojenih tekstova zakona u domovima Parlamenta Federacije BiH

b) Prijedlog Odluke o razrješenju i imenovanju članova Komisije za vrijednosne papire Federacije BiH

a) Prijedlog Odluke o obrazovanju zajedničke komisije za usaglašavanje različito usvojenih tekstova zakona u domovima Parlamenta Federacije

BiH i Prijedlog Odluke o izboru članova u zajedničku komisiju za usaglašavanje različito usvojenih tekstova zakona u domovima Parlamenta Federacije BiH

Komisija za izbor i imenovanja Doma naroda razmatrala je Prijedlog Odluke o obrazovanju zajedničke komisije za usaglašavanje različito usvojenih tekstova zakona u domovima Parlamenta Federacije BiH i Prijedlog Odluke o izboru članova u zajedničku komisiju za usaglašavanje različito usvojenih tekstova zakona u domovima Parlamenta Federacije BiH.

Predstavnički dom je na nastavku 12. sjednice, održane 20.3.2012. godine, donio Odluku o obrazovanju Zajedničke komisije za usaglašavanje različito usvojenih tekstova zakona u domovima Parlamenta Federacije BiH i Odluku o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH, kojom je za članove Zajedničke komisije iz Predstavničkog doma izabrao: Tomu Vidovića za predsjednika Komisije a Omera Vatrića, Ljiljanu Sakić, Marinka Čavaru i Mirsada Donlagića za članove Komisije.

Kolegij Doma naroda predložio je Komisiji za izbor i imenovanja da se iz Doma naroda u Zajedničku komisiju izaberu: Jasenko Tufekčić za zamjenika predsjednika Komisije a za članove: Zoran Jovanović, Radoje Vidović, Damir Čardžić i Mira Ljubijankić.

Izveštaj Komisije za izbor i imenovanje obrazložio je Mustafa Kurtović koji je rekao da je Komisija jednoglasno prihvatila prijedlog Kolegija Doma naroda i predlaže Domu naroda da ga usvoji.

U raspravi je učestvovao Jasenko Tufekčić.

b) Prijedlog Odluke o razrješenju i imenovanju članova Komisije za vrijednosne papire Federacije BiH

Predsjedavajuća je podsjetila delegate da je na osnovu člana 5. stav 1. Predsjednik Federacije - uz saglasnost potpredsjednika Federacije donio Odluku o razrješenju i imenovanju članova Komisije za vrijednosne papire Federacije BiH i dostavio Parlamentu Federacije radi potvrđivanja.

Izveštaj Komisije za izbor i imenovanje obrazložio je Mustafa Kurtović koji je rekao da se Komisija nije izjašnjavala o ovoj odluci te predlaže delegatima Doma naroda da se izjasne o Prijedlogu Odluke o razrješenju i imenovanju članova Komisije za vrijednosne papire Federacije BiH.

U raspravi su učestvovali Mira Ljubijankić, Zoran Jovanović i Karolina Pavlović.

Nakon toga prešlo se na glasanje.

2. Prijedlog Zakona o izmjeni Zakona o izvršnom postupku

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 32 glasa za, uz sedam glasova protiv i uz

dva uzdržana glasa usvojio Prijedlog Zakona o izmjeni Zakona o izvršnom postupku.

Budući da je Adnan Jupić izrazio sumnju u rezultate glasanja pristupilo se pojedinačnom izjašnjanju koje je obavio sekretar Doma naroda Izmir Hadžić.

Na osnovu rezultata pojedinačnog izjašnjanja, predsjedavajuća je konstatovala da je Dom naroda Parlamenta Federacije BiH, sa 30 glasova za, uz devet glasova protiv i uz šest uzdržanih glasova, usvojio Prijedlog Zakona o izmjeni Zakona o izvršnom postupku.

3. Prijedlog Zakona o izmjenama i dopunama Zakona o penzijskom i invalidskom osiguranju

Predsjedavajuća je podsjetila delegate da je na ovaj prijedlog Zakona Klub delegata bošnjačkog naroda podnio dva amandmana, te pozvala predstavnika Vlade Federacije da se izjasni u vezi sa ovim amandmanima.

Federalni ministar rada i socijalne politike Vjekoslav Čamber je, ispred Vlade Federacije, izjavio da Vlada Federacije BiH **prihvata** Amandman I. Kluba delegata bošnjačkog naroda na Prijedlog Zakona o izmjenama i dopunama Zakona o penzijskom i invalidskom osiguranju koji glasi:

“U članu 141.a stav 3. mijenja se i glasi:

“Korisnici penzija iz stava 1. ovog člana, kojima je nakon povratka iz Republike Srpske u Federaciju BiH nosilac osiguranja priznao pravo na isplatu penzije zadržavaju pravo na isplatu penzije i u slučaju ako se kasnije odsele u inozemstvo, a u skladu sa članom 107. Zakona.””

Također je izjavio da Vlada Federacije **ne prihvata** Amandman II. Kluba delegata bošnjačkog naroda koji glasi:

„U članu 141.a iza stava 3. dodaje se novi stav 4. koji glasi:

„Pravo na isplatu penzija iz stava 1. ovog člana, a prema zahtjevu podnesenom u smislu ovog zakona, pripada prvog dana narednog mjeseca od dana donošenja rješenja o preuzimanju na isplatu.““

Predsjedavajuća je izjavila da Klub delegata bošnjačkog naroda odustaje od Amandmana II.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 35 glasova za, uz jedan glas protiv i uz šest uzdržanih glasova, usvojio Prijedlog Zakona o izmjenama i dopunama Zakona o penzijskom i invalidskom osiguranju sa Amandmanom I. Kluba delegata bošnjačkog naroda koji je Vlada Federacije prihvatila pa je postao sastavni dio Zakona.

Budući da je Prijedlog Zakona o izmjenama i dopunama Zakona o penzijskom i invalidskom osiguranju usvojen u različitom tekstu u oba doma Parlamenta Federacije BiH, **potrebno ga je usaglasiti**.

4. Prijedlog Zakona o reviziji privatizacije državnog kapitala u privrednim društvima i bankama

Predsjedavajuća je podsjetila da je Vlada Federacije dostavila izjašnjenje kojim prihvata amandman koji je u raspravi podnijela Mira Ljubijankić i koji tako postaje sastavni dio Prijedloga Zakona i glasi:

„U članu 5. iza stava 1. dodaje se stav 2. koji glasi:

„Revizija pretvorbe vlasništva provodit će se i u privrednim društvima gdje je pretvorba izvršena prije donošenja Zakona o privatizaciji poduzeća.“

Nakon toga, Domu naroda se obratio zamjenik premijera Federacije Desnica Radivojević koji je, ispred Vlade Federacije, podnio amandman koji postaje sastavni dio Prijedloga Zakona a koji glasi:

„U članu 14. na kraju stava 1. briše se tačka i dodaje tekst: „ u skladu sa Godišnjim programom rada.“

Iza stava 1. dodaje se novi stav 2. koji glasi:

„Izveštaj o izvršenju Programa rada za prethodnu godinu Agencija je dužna dostaviti Parlamentu Federacije BiH najkasnije do 30.3. tekuće godine.“

Dosadašnji stav 2. postaje stav 3.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za, uz četiri glasa protiv i uz sedam uzdržanih glasova, usvojio Prijedlog Zakona o reviziji privatizacije državnog kapitala u privrednim društvima i bankama.

Delegat Adnan Jupić je izrazio sumnju u rezultate glasanja pa se pristupilo pojedinačnom izjašnjavanju koje je obavio sekretar Doma naroda Izmir Hadživadić.

Na osnovu rezultata pojedinačnog izjašnjavanja, predsjedavajuća je konstatovala da je Dom naroda Parlamenta Federacije BiH, sa 30 glasova za, uz pet glasova protiv i uz osam uzdržanih glasova, usvojio Prijedlog Zakona o reviziji privatizacije državnog kapitala u privrednim društvima i bankama.

Budući da je Prijedlog Zakona o reviziji privatizacije državnog kapitala u privrednim društvima i bankama usvojen u različitom tekstu u oba doma Parlamenta Federacije BiH **potrebno ga je usaglasiti.**

5. Nacrt Zakona o izmjenama i dopunama Zakona o namještenicima u organima državne službe u Federaciji BiH

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz jedan glas protiv i uz sedam uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o namještenicima u organima državne službe u Federaciji BiH i smatra da može poslužiti kao osnov za izradu prijedloga Zakona.

2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.

6. Nacrt Zakona o volontiranju (predlagač: Komisija za pitanja mladih Predstavničkog doma Parlamenta Federacije BiH)

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 35 glasova za, uz jedan glas protiv i uz jedan uzdržani glas, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o volontiranju i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu koja će trajati 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u javnoj raspravi.

7. Nacrt Zakona o izmjenama i dopunama Zakona o osnivanju Instituta za medicinsko vještačenje zdravstvenog stanja

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz jedan glas protiv i uz šest uzdržanih glasova, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o osnivanju Instituta za medicinsko vještačenje zdravstvenog stanja i smatra da može poslužiti kao osnov za izradu prijedloga Zakona.
2. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

8. Nacrt Zakona o zaštiti prirode

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, uz dva glasa protiv i uz četiri uzdržana glasa, usvojio sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o zaštiti prirode i smatra da može poslužiti kao osnov za izradu prijedloga Zakona.
 2. Zadužuje se predlagač da organizira i provede javnu raspravu koja će trajati 90 dana.
 3. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.
- 9. Prijedlog Odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić**
- Sporazum o kreditu između Bosne i Hercegovine koju zastupa Ministarstvo finansija i trezora i Unicredit Bank Austria AG
 - Informacija o robnom kreditu Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić

Na osnovu rezultata glasanja, predsjedavajuća je konstatovala da je Dom naroda Parlamenta Federacije, jednoglasno (42 glasa za) donio Odluku o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za finansiranje Projekta izgradnje kanalizacije i vodosnabdijevanja Općine Čelić.

10. Prijedlog Finansijskog plana – Budžet FERK-a za 2012. godinu

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 39 glasova za, uz jedan glas protiv i uz dva uzdržana glasa, usvojio Prijedlog Finansijskog plana – Budžet FERK-a za 2012. godinu.

11. Prijedlog Strategije za prevenciju, tretman i kontrolu malignih neoplazmi u Federaciji BiH 2012.-2020. godina

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 36 glasova za i uz tri uzdržana glasa, usvojio Prijedlog Strategije za prevenciju, tretman i kontrolu malignih neoplazmi u Federaciji BiH 2012.-2020. godina

12. Prijedlog Strategije razvoja namjenske industrije Federacije BiH za period 2012.-2022. godina

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz dva glasa protiv i uz sedam uzdržanih glasova, usvojio Prijedlog Strategije razvoja namjenske industrije Federacije BiH za period 2012. - 2022. godina.

Na osnovu rezultata glasanja, predsjedavajuća je konstatovala da je Dom naroda, sa 33 glasa za i uz devet uzdržanih glasova, na prijedlog Kluba delegata bošnjačkog naroda usvojio sljedeće:

ZAKLJUČKE

1. Zadužuje se Federalno ministarstvo energije, rudarstva i industrije da putem Direkcije za namjensku industriju u roku od 60 dana Vladi Federacije BiH dostavi Prijedlog Plana sanacije postojećeg stanja privrednih društava u namjenskoj industriji sa naglaskom na elemente finansijske konsolidacije i osiguranja tržišne opravdanosti i održivosti privrednih društava u namjenskoj industriji Federacije BiH sa precizno utvrđenim rokovima i nosiocima aktivnosti.
2. Zadužuje se Vlada Federacije BiH da prije donošenja Akcionog plana razvoja namjenske industrije jasno definiše opredjeljenje kakva će biti struktura vlasništva u privrednim društvima namjenske industrije, ukupno i pojedinačno - za svako privredno društvo.
3. Zadužuje se Vlada Federacije BiH da nakon usvajanja Strategije razvoja namjenske industrije Federacije BiH za period 2012. - 2022. godina propisima bliže uredi sigurnosni aspekt proizvodnje, remonta, prometa, NVO –a u skladu sa Strategijom sigurnosti Bosne i Hercegovine.

13. Program rada Vlade Federacije BiH u mandatnom periodu 2011. - 2014. godina

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, uz sedam glasova protiv i uz tri uzdržana glasa, usvojio Program rada Vlade Federacije BiH u mandatnom periodu 2011. - 2014. godina.

Delegat Radoje Vidović je izrazio sumnju u rezultate glasanja pa se pristupilo pojedinačnom izjašnjanju koje je obavio sekretar Doma naroda Izmir Hadžićević.

Na osnovu rezultata pojedinačnog izjašnjanja, predsjedavajuća je konstatovala da je Dom naroda Parlamenta Federacije BiH, sa 31 glasom za, uz sedam glasova protiv i uz pet uzdržanih glasova, usvojio Program rada Vlade Federacije BiH u mandatnom periodu 2011. - 2014. godina.

14. Operativni Program rada Vlade Federacije BiH za 2012. godinu

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH, sa 32 glasa za, uz pet glasova protiv i uz šest uzdržanih glasova, usvojio Operativni Program rada Vlade Federacije BiH za 2012. godinu.

15. Izbor i imenovanja

a) Prijedlog Odluke o obrazovanju zajedničke komisije za usaglašavanje različito usvojenih tekstova zakona u domovima Parlamenta Federacije BiH i Prijedlog Odluke o izboru članova u zajedničku komisiju za usaglašavanje različito usvojenih tekstova zakona u domovima Parlamenta Federacije BiH

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 41 glasom za, uz jedan glas protiv i bez uzdržanih glasova, donio Odluku o obrazovanju Zajedničke komisije za usaglašavanje različito usvojenih tekstova zakona u domovima Parlamenta Federacije BiH.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno (40 glasova za) donio Odluku o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH kojom su u Zajedničku komisiju iz Predstavničkog doma izabrani: Tomo Vidović za predsjednika Komisije a za članove: Omer Vatrić, Ljiljana Sakić, Marinko Čavara i Mirsad Đonlagić, a iz Doma naroda izabrani su: Jasenko Tufekčić za zamjenika predsjednika Komisije, a za članove: Zoran Jovanović, Radoje Vidović, Damir Čardžić i Mira Ljubijankić.

b) Prijedlog Odluke o razrješenju i imenovanju članova Komisije za vrijednosne papire Federacije BiH

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz jedan glas protiv i uz tri uzdržana glasa, potvrdio Odluku predsjednika Federacije BiH o razrješenju članova Komisije za vrijednosne papire Federacije BiH kojom su Hasan Čelam, Milorad Rajlić, Matej Živković i Džafer Alibegović razrješeni članstva u Komisiji za vrijednosne papire Federacije BiH zbog isteka mandata.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 32 glasa za, uz dva glasa protiv i uz osam uzdržanih glasova, potvrdio Odluku predsjednika Federacije BiH o imenovanju članova Komisije za vrijednosne papire Federacije BiH kojom su za članove Komisije za vrijednosne papire Federacije BiH imenovani: Enes Gotovuša za

predsjednika Komisije, Gordana Ćorić za zamjenika predsjednika Komisije, Milorad Rajlić, Matej Živković i Adnan Zukić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno (35 glasova za) na prijedlog Odbora za privredu usvojio sljedeći:

ZAKLJUČAK

Dom naroda Parlamenta Federacije BiH neće uvrstiti u dnevni red sjednice Doma naroda one tačke dnevnog reda o kojima nadležno radno tijelo nije dalo svoje mišljenje zbog neprisustva predstavnika predlagača.

Sjednica je završena u 14:26.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Karolina Pavlović, prof.